



812
8095
卷 6

駿河安永
醫廷基井
青主疏西
藥古國壽
俗醫

周禮卷三十五

漢大司農北海鄭玄註

皇明後學東吳金蟠訂

宗伯禮官之職

占夢掌其歲時觀天地之會辨陰陽之氣

其歲時今歲四時也天地之會建厭所處之日辰陰陽之氣休王前後○夢本又作勝音同厭於琰反王于况反

以日月星辰占六夢之吉凶

日月星辰謂日月之行及合辰所在春秋昭三十一年十二月辛亥朔日有食之是夜也晉趙簡子夢童子僕而轉以歌旦而目食占諸史墨對曰六年及此月也吳其入郢乎終亦弗克入郢必以庚辰日月在辰尾庚午之日日始有譴火勝金故弗克

周禮

卷五

宗伯禮官之職

十一

永懷堂

此以日月星辰占夢者其術則今八會其遺象也。用占夢則亡。○保魯火反適直革反。

一曰正夢。

無所感動。平安自夢。

二曰噩夢。

杜子春云。噩當為驚愕之。愕謂驚愕而夢。○噩愕同。

三曰覺夢。

覺時所思。念之而夢。

四曰寤夢。

覺時道之而夢。

五日喜夢。

喜悅而夢。

六曰懼夢。

恐懼而夢。

季冬聘王夢。獻吉夢于王。王拜而受之。

聘問也。夢者事之祥。吉凶之占。在日月星辰。季冬日窮于次。月窮于紀。星迴于天。數將幾終。於是發幣而問焉。若休慶之云爾。因獻群臣之吉夢於王。歸美焉。詩云。牧人乃夢。衆維魚矣。旒維旗矣。此所獻吉夢。

乃舍萌于四方。以贈惡夢。

杜子春讀萌為明。或云其字當為明。明謂歐疫也。謂歲竟逐疫。置四方書亦或為明。玄謂舍讀為釋。舍萌猶釋禾也。古書釋菜。

釋奠多作舍字萌萊始生也贈送也欲以新善去故惡○舍音釋註舍萌同萌亡耕反去起呂反

遂令始難毆疫

令令方相氏也難謂執兵以有難卻也方相氏掌蒙熊皮黃金四目玄衣朱裳執戈揚楯帥百隸為之毆疫厲鬼也故書難或為讎杜子春難讀為難問之難其字當作難月令季春之月命國難九門磔禳以畢春氣仲秋之月天子乃難以達秋氣季冬之月命有司大難旁磔出土牛以送寒氣○難威乃多反劉依杜乃旦反注以意求之讎字亦同磔涉百反

眠祲掌十輝之灋以觀妖祥辨吉凶

妖祥善惡之徵鄭司農云輝謂日光炁也○輝音暉炁音氣

一曰祲二曰象三曰鑄四曰監五曰闇六曰瞢七曰彌八曰敘九曰濟十曰想

故書彌作迷濟作資鄭司農云祲陰陽氣相侵也象者如赤烏也鑄謂日旁氣四面反鄉如輝狀也監雲氣晦日也闇日月食也瞢日月瞢瞢無光也彌者白虹彌天也敘者雲有次序也如山在日上也濟者升氣也想者輝光也玄謂鑄讀如童子佩鑄之鑄謂日旁氣刺日也監寇耳也彌氣貫日也濟虹也詩云朝濟于西想雜氣有似可形想○鑄許規反瞢七鄧反濟子兮反鄉許亮反輝音暉本亦作暉音同

掌安宅敘降

宅居也降下也人見妖祥則不安主安其居處也次序其凶禍所下謂禳移之

正歲則行事

占夢以季冬贈惡夢此正月而行安宅之事所以順民

歲終則弊其事

弊斷也謂計其吉凶然否多少

大祝掌六祝之辭以事鬼神示祈福祥求永貞一曰順祝二曰年

祝三曰吉祝四曰化祝五曰瑞祝六曰筴祝
永長也貞正也求多福歷年得正命也鄭司農云順祝順豐年也年祝求永貞也吉祝祈福祥也化祝禳災兵也瑞祝逆時雨寧風旱也筴祝遠罪疾○祝之秀反後除大祝宗祝諸官皆同以意求之

掌六祈以同鬼神示一曰類二曰造三曰禴四曰禋五曰攻六曰

說
祈嘑也謂為有災變號呼告于神以求福天神人鬼地祇不和則六禴作見故以祈禮同之故書造作竈杜子春讀竈為造次之造書亦或為造造祭於祖也鄭司農云類造禴禋攻說皆祭名也類祭于上帝詩曰是類是禡爾雅曰是類是禡師祭也又

曰乃立冢土戎醜攸行爾雅曰起大事動大衆必先有事乎社而後出謂之宜故曰大師宜于社造于祖設軍社類上帝司馬遷曰將用師乃告于皇天上帝日月星辰以禱于后土四海神祇山川冢社乃造于先王然後冢宰徵師于諸侯曰某國為不道征之以某年某月某日師至某國禋日月星辰山川之祭也春秋傳曰日月星辰之神則雪霜風雨之不時於是乎禘之山川之神則水旱癘疫之災於是乎禘之玄謂類造如誠肅求如志禴禘告之以時有災變也攻說則以辭責之禋如日食以朱絲禘社攻如其鳴鼓然董仲舒救日食祝曰昭昭大明滅滅無光奈何以陰侵陽以卑侵尊是之謂說也禴未聞焉造類禴禘皆牲牲攻說用幣而已○造七報反禴戚古外反劉音會禴音詠噪音叶劉音禱為于偽反號尸羔反呼火故反見賢遍反禡莫駕反

作六辭以通上下親疏遠近一曰祠二曰命三曰誥四曰會五曰禱六曰誅

周禮

卷五 宗伯禮官之職

四

禮記

鄭司農云祠當為辭謂辭令也命論語所謂為命禋謀尊創之
 誥謂康誥盤庚之誥之屬也盤庚將遷于殷誥其世臣卿大夫
 道其先祖之善功故曰以通上下親疎遠近會謂王官之伯命
 事於會胥命於蒲主為其命也禱謂禱於天地社稷宗廟主為
 其辭也春秋傳曰鐵之戰衛太子禱曰曾孫蒯聩敢昭告皇祖
 文王烈祖康叔文祖襄公鄭勝亂從晉午在難不能治亂使鞅
 討之蒯聩不敢自佚備持矛焉敢告無絕筋無破骨無面夷無
 作三祖羞大命不敢請佩玉不敢愛若此之屬誄謂積累生時
 德行以錫之命主為其辭也春秋傳曰孔子卒哀公誄之曰閔
 天不淑不勳遺一老俾屏余一人以在位嬖嬖予在疚嗚呼哀
 哉尼父無自律此皆有文雅辭令難為者也故大祝官主作六
 辭或曰誄論語所謂誄曰禱爾于上下神祇杜子春日誥當為
 告書亦或為告玄謂一曰祠者交接之辭春秋傳曰古者諸侯
 相見號辭必稱先君以相接辭之辭也會謂會同盟誓之辭禱
 賀慶言福祚之辭晉趙文子成室晉大夫發焉張老曰美哉輪
 焉美哉奧焉歌於斯哭於斯聚國族於斯文子曰武也得歌於
 斯哭於斯聚國族於斯是全要領以從先大夫於九京也非面
 再拜稽首君子謂之善頌善禱是禱之辭○禱婢支反諶市林

反行下孟反勳魚觀反嬖
 求營反父音甫京音原

辨六號一曰神號二曰鬼號三曰示號四曰牲號五曰盞號六曰幣號

號謂尊其名更為美稱焉神號若云皇天上帝鬼號若云皇祖
 伯某祗號若云后土地祇幣號若云嘉玉幣云量幣鄭司農
 云牲號為犧牲皆有各號曲禮曰牛曰一元大武豕曰剛鬣羊
 曰柔毛雞曰翰音盞號為黍稷皆有各號也曲禮曰黍曰薺合
 梁曰薺其稻曰嘉疏少牢饋食禮曰敢用柔毛剛鬣
 士虞禮曰敢用潔性剛鬣香合○盞音咨鬣力輒反

辨九祭一曰命祭二曰衍祭三曰炮祭四曰周祭五曰振祭六曰
 擣祭七曰絕祭八曰繚祭九曰共祭

杜子春云命祭祭有所主命也振祭振讀為慎禮家讀振為振
 旅之振擣祭擣讀謂虞芮之苗鄭司農云衍祭羨之道中如今

祭場無所主命周祭四面為坐也炮祭燔柴也爾雅曰祭天曰燔柴搗祭以肝肺菹搗鹽醢中以祭也繚祭以手從肺本循之至于未乃絕以祭也絕祭不循其本直絕肺以祭也重肺賤肝故初祭絕肺以祭謂之絕祭至祭之末禮殺之後但搗肝鹽中振之擬之若祭狀弗祭謂之振祭特牲饋食禮曰取菹搗于醢祭于豆間鄉射禮曰取肺坐絕祭鄉飲酒禮曰右取肺左卻手執本坐弗繚右絕末以祭少牢曰取肝搗于鹽振祭玄謂九祭皆謂祭食者命祭者玉藻曰君若賜之食而君客之則命之祭然後祭是也衍字當為延炮字當為包聲之誤也延祭者曲禮曰客若降等執食與辭主人興辭於客然後客坐主人延客祭是也包猶兼也兼祭者有司曰宰夫贊者取白黑以授尸尸受兼祭于豆祭是也周猶徧也徧祭者曲禮曰殺之序徧祭之是也振祭搗祭本同不食者搗則祭之將食者既搗必振乃祭也絕祭繚祭亦本同禮多者繚之禮略者絕則祭之共猶授也主祭食宰夫授祭孝經說曰共綏執授○搗而泉反一音而劣反共音恭芮人劣反又而歲反殺色界反執食思四反

辨九擗一曰稽首二曰頓首三曰空首四曰振動五曰吉擗六曰

凶擗七曰奇擗八曰褒拜九曰肅擗以享右祭祀

稽首拜頭至地也頓首拜頭叩地也空首拜頭至手所謂拜手也吉拜拜而后稽顙謂齊衰不杖以下者言吉者此殷之凶拜周以其拜與頓首相近故謂之吉拜云凶拜稽顙而后拜謂三年服者杜子春云振讀為振鐸之振動讀為哀慟之慟奇讀為奇偶之奇謂先屈一膝今雅拜是也或云奇讀曰倚倚拜謂持節持戟拜身倚之以拜鄭大夫云動讀為董書亦或為董振董以兩手相擊也奇拜謂一拜也褒讀為報報拜再拜是也鄭司農云褒拜今時持節拜是也肅拜但俯下手今時禮是也介者不拜故曰為事故敢肅使者玄謂振動戰栗變動之拜書曰王動色變一拜答臣下拜再拜拜神與尸享獻也謂朝獻饋獻也右讀為侑侑勸尸食而拜○擗音拜稽音啓奇紀宜反註同褒音報擗於至反為于僞反使所吏反朝直遙反

凡大禮祀肆享祭示則執明水火而號祝

明水火司烜所共日月之氣以給烝享執之如以六號祝明此圭潔也禮祀祭天神也肆享祭宗廟也故書祗為祗杜子春云

周禮

卷五 宗伯禮官之職

五

示儀堂

祊當為祊。禋音因。桓况晚反。祊必庚反。

隋釁逆牲逆尸。令鐘鼓右亦如之。

隋釁謂薦血也。凡血祭曰釁。既隋釁後言逆牲。容逆鼎。右讀亦當為侑。○隋許規反。

來瞽令皐舞。

皐讀為卒。嗥呼之。嗥來嗥者。皆謂呼之入。

相尸禮。

延其出入。詔其坐。作。○相息亮反。

既祭令徹。

大喪始崩。以肆鬯。溲尸。相飯。贊歛。徹奠。

肆鬯。所為陳尸設鬯也。鄭司農云。溲尸。以鬯浴尸。○溲彌爾反。飯扶晚反。

言甸人讀禱。付練祥。掌國事。

鄭司農云。甸人。主設復禘。大祝主言。問其具禘物。玄謂言。猶語也。三。六辭之屬禱也。甸人。喪事代王受眚災。大祝為禱辭。語之使。以禱於藉田之神也。付當為耐。祭於先王。以耐後死者。掌國事。辨護之。○禘他兮反。

國有大故。天裁彌祀。社稷禱祠。

大故。兵寇也。天裁。疫癘水旱也。彌。猶徧也。徧祀。社稷及諸所禱。既則祠之。以報焉。

大師宜于社。造于祖。設軍社。類上帝。國將有事于四望。及軍歸獻

于社。則前祝。

鄭司農說。設軍社。以春秋傳曰。所謂君以師行。祓社。擊鼓。祀奉以從者也。則前祀。大祝自前祝也。玄謂前祝者。出也。歸也。將

周禮

卷三

宗伯禮官之職

七

承讓堂

有事於此神大祝居前先以祝辭告之○祓芳弗反劉音廢

大會同造于廟宜于社過大山川則用事焉反行舍奠

用事亦用祭事告行也玉人職有宗祝以黃金勺前馬之禮是謂過大山川與曾子問曰凡告必用牲幣反亦如之○舍音釋

一音赦

建邦國先告后土用牲幣

后土社神也

禁督逆祀命者

督正也正王之所命諸侯之所祀有逆者則刑罰焉

頒祭號于邦國都鄙

祭號六號

小祝掌小祭祀將事侯禴禱祠之祝號以祈福祥順豐年逆時雨

寧風旱彌裁兵遠瘳疾

侯之言候也候嘉慶祈福祥之屬禴禴卻凶咎寧風旱之屬順豐年而順為之祝辭逆迎也彌讀曰救救安也○救亡爾反

大祭祀逆齋盛送逆尸沃尸盥贊陪贊徹贊奠

隋尸之祭也奠奠爵也祭祀奠先徹後反言之者明所佐大祝非一

凡事佐大祝

唯太祝所有事

大喪贊涓

司豐

宗伯禮官之職

宗

故書再為攝杜子春云當為泚泚謂浴尸

設熬置銘

銘今書或作名鄭司農云銘書死者名於旌今謂之柩士喪禮曰為銘各以其物亡則以緇長半幅積末長終幅廣三寸書各于未日某氏某之柩竹杠長三尺置于西階上重木置于中庭參分庭一在南粥餘飯盛以二鬲縣于重幕用葦席取銘置于重杜子春云熬謂重也檀弓曰銘明旌也以死者為不可別故以其旗識之愛之斯錄之矣敬之斯盡其道焉爾重主道也殷主綴重焉周主徹重焉奠以素器以主人有哀素之心也玄謂熬者棺既蓋設於其旁所以惑蚍蜉也喪大記曰熬君四種八筐大夫三種六筐士二種四筐加魚腊焉士喪禮曰熬黍稷各二筐有魚腊饌于西玷南又曰設熬旁一筐乃塗熬五羔反積勃貞反扛音江重直龍反粥之六反盛音成鬲音歷別彼列反識識並傷志反蚍音毗蜉音浮種章勇反

及葬設道齋之奠分禱五祀

杜子春云齋當為梁道中祭也漢儀每街路輒祭玄謂齋猶送也送道之奠謂遣奠也分其牲體以祭五祀告王去此宮中不復反故與祭祀也王七祀五者可命大厲平生出入不以告○齋音咨

大師掌釁祈號祝

鄭司農云釁謂釁鼓也春秋傳曰君以軍行破社釁鼓祝奉以從

有寇戎之事則保郊祀于社

故書祀或作禩鄭司農云謂保守郊祭諸祀及社無令寇侵犯之杜子春讀禩為祀書亦或為祀玄謂保祀互文郊社皆守而祀之彌蒞兵禩音祀令力呈反

凡外內小祭祀小喪紀小會同小軍旅掌事焉

及朝御匱乃奠。

鄭司農云朝謂將葬朝於祖考之廟而後行則喪祝為御柩也檀弓曰喪之朝也順死者之孝心也其哀離其室也故至於祖考之廟而後行殷朝而殯於祖周朝而遂葬故春秋傳曰凡夫人不殯于廟不祔于姑則弗致也晉文公卒將殯於曲沃就宗廟晉宗廟在曲沃故曰曲沃君之宗也又曰丙午入于曲沃丁未朝于武宮玄謂乃奠朝廟奠○朝直遙反匱音舊離力智反下注俱同

及祖飾棺乃載遂御。

鄭司農云祖謂將葬祖於庭象生時出則祖也故曰事死如事生禮也檀弓曰飯於牖下小歛於戶內大歛於阼殯於客位祖於庭葬於墓所以即遠也祖時喪祝主飾棺乃載遂御之喪祝為柩車御也或謂及祖至祖廟也玄謂祖為行始飾棺設柳池組之屬其序載而後飾既飾當還車鄉外喪祝御之御之者執紼居前卻行為節度○飯扶晚反還音旋鄉許亮反翻音道

及葬御匱出宮乃代。

喪祝二人相與更也

及壙說載除飾。

鄭司農云壙謂穿中也說載下棺也除飾去棺飾也四盥之屬令可舉移安錯之玄謂除飾使其窆爾周人之葬牆置盥○說吐活反注同去起呂反盥所甲反本亦作筭錯七故反窆彼驗反劉補鄧反

小喪亦如之。

掌喪祭祝號。

喪祭虞也檀弓曰葬日虞不忍一日離也是日也以虞易奠卒哭日成事是日也以吉祭易喪祭

王弔則與巫前。

周禮

宗伯禮官之職

二

永懷堂

鄭司農云喪祝與巫以桃厲執戈在王前檀弓曰君臨臣喪以巫祝桃茢執戈惡之也所以異於生也春秋傳曰楚人使公親之君臨臣喪之禮故悔之○厲音列記作茷

掌勝國邑之社稷之祝號以祭祀禱祠焉

勝國邑所誅討者社稷者若亳社是矣存之者重神也蓋奄其上而棧其下為北牖○棧才產反

凡卿大夫之喪掌事而斂飾棺焉

甸祝掌四時之田表貉之祝號

杜子春讀貉為百爾所思之百書亦或為貉貉兵祭也甸以講武治兵故有兵祭詩曰是類是禡爾雅曰是類是禡師祭也玄謂田者習兵之禮故亦禡祭禱氣勢之十百而多獲○貉莫駕反注禡同甸音田

舍奠于祖廟禩亦如之

舍讀為釋釋奠者告將時田若時征伐鄭司農云禩父廟

師甸致禽于虞中乃屬禽及郊饁獸舍奠于祖禩乃斂禽禩牲禩

馬皆掌其祝號

師田謂起大衆以田也致禽於虞中使獲者各以其禽來致于所表之處屬禽別其種類饁饋也所以所獲獸饋於郊薦于四方羣兆入又以奠于祖禩薦且告反也斂禽謂取三十人腊人焉杜子春云禩禱也為馬禱無疾為田禱多獲禽牲詩云既伯既禱爾雅曰既伯既禱馬祭也玄謂禩讀如伏誅之誅今侏大字也為牲祭求肥克為馬祭求肥健○屬音燭饁于軒反禩音誅一音禱別被列反為于僞反

詛祝掌盟詛類造攻說禴祭之祝號

八者之辭皆所以告神明也盟詛王於要誓大事曰盟小事曰詛

周禮

宗伯禮官之職

三

禮記

作盟詛之載辭以敘國之信用以質邦國之劑信。

載辭為辭而載之於策坎用牲加書于其上也國謂王之國邦國諸侯國也質正也成也文王修德而虞芮質厥成鄭司農云載辭以春秋傳曰使祝為載書

司巫掌羣巫之政令若國大旱則帥巫而舞雩。

雩旱祭也天子於上帝諸侯於上公之神鄭司農云魯僖公欲焚巫雩以其舞雩不得雨○厓音汪

國有大烓則帥巫而造巫恒。

杜子春云司巫帥巫官之屬會聚常處以待命也玄謂恒久也巫久者先巫之故事造之當按視所施為

祭祀則共匱主及道布及菹館。

杜子春云菹讀為鉏匱器名主謂木主也道布新布三尺也鉏藉也館神所館止也書或為菹館或為菹飽或曰布者以為席

也租飽茅裹肉也玄謂道布者為神所設巾中雷禮曰以功布為道布屬于几也菹之言藉也祭食有當藉者館所以承菹謂若今筐也主先匱菹後館互言之者明共主以匱共菹以筐大祝取其主菹陳之器則退也士虞禮曰苴荆茅長五寸實于筐饌于西坵上又曰祝盥取苴降洗之升入設于几東席上東縮○匱音丹菹子都反鉏子都反藉慈夜反租劉音緞裹音果為于偽反刊音寸

凡祭事守瘞。

瘞謂若祭地祗有埋牲玉者也守之者以祭禮未畢若有事然祭禮畢則去之○瘞於例反

凡喪事掌巫降之禮。

降下也巫下神之禮今世或歛既歛就巫下禡其遺禮○禡音傷

男巫掌望祀望銜授號旁招以茅。

甸豐

宗伯禮官之職

四

禮記

杜子春云望衍謂衍祭也授號以所祭之名號授之旁招以某
招四方之所望祭者玄謂衍讀為延聲之誤也望祀謂有牲案
盛者延進也謂但用幣致其神二者詛祝所授類
造攻說禘祭之神號男巫為之招○為于偽反

冬堂贈無方無算

故書贈為贈杜子春云贈當為贈堂贈謂逐疫也無方四方為
可也無算道里無數遠益善也玄謂冬歲終以禮送不祥及惡
夢皆是也其行必由堂始巫與神通言當東則東
當西則西可近則近可遠則遠無常數○贈音曾

春招弭以除疾病

招招福也杜子春讀弭如彌兵之彌玄謂弭讀為救字之
誤也救安也安凶禍也招救皆有祀衍之禮○弭與彌同

王乎則與祝前

巫祝前王也故書前為先
鄭司農云為先非是也

女巫掌歲時祓除釁浴

歲時祓除如今三月上巳如水上
之類釁浴謂以香薰草藥沐浴

旱暵則舞雩

使女巫舞旱祭崇陰也鄭司農云求雨以女巫故檀弓曰歲旱
繆公召縣子而問焉曰吾欲暴巫而吳若曰天則不雨而望之
愚婦人無乃已疏乎○曠呼旱
反繆音穆縣音玄暴蒲卜反

若王后弔則與祝前

女巫與祝前
后如玉禮

凡邦之大裁歌哭而請

有歌者有哭者冀
以悲哀感神靈也

天史掌建邦之六典以逆邦國之治掌灋以逆官府之治掌則以逆都鄙之治

典則亦灋也逆迎也六典八灋八則冢宰所建以治百官大史又建焉以為王迎受其治也大史日官也春秋傳曰天子有日官諸侯有日御日官居卿以底日禮也日御不失日以授百官于朝居猶處也言建六典以處六卿之職為于偽反底音旨朝直

凡辨灋者攷焉不信者刑之

謂邦國官府都鄙以灋爭訟來正之者攷音考

凡邦國都鄙及萬民之有約劑者藏焉以貳六官六官之所登

約劑要盟之載辭及券書也貳猶副也藏灋與約劑之書以為六官之副其有後事六官又登焉

若約劑亂則辟灋不信者刑之

謂抵冒盟誓者辟灋者考按讀其然否辟婢亦反

正歲年以序事頒之于官府及都鄙

中數曰歲朔數曰年中朔大小不齊正之以閏若今時作曆日矣定四時以次序授民時之事春秋傳曰閏以正時時以作事是以厚生生民之本於是乎在數所主反

頒告朔於邦國

天子頒朔于諸侯諸侯藏之祖廟至朔朝于廟告而受行之鄭司農云頒讀為班班布也以十二月朔布告天下諸侯故春秋傳曰不書日官失之也

閏月詔王居門終月

門謂路寢門也。鄭司農云：月令十二月分在青陽明堂，總章玄堂左右之位。惟閏月無所居，居于門，故於文王在門謂之閏。

大祭祀與執事之日。

執事，大卜之屬。與之者，當視墨。

戒及宿之日，與羣執事讀禮書而協事。

協，合也。合謂習錄所當共之事也。故書協作叶。杜子春云：叶協也。書亦或為協，或為汁。○叶音協，汁音執。

祭之日，執書以次位常。

謂校呼之，教其所當居之處。

辨事者攷焉，不信者誅之。

謂抵冒其職事。

大會同朝覲，以書協禮事。

亦先習錄之也。

及將幣之日，執書以詔王。

將，送也。詔王，告王以禮事。

大師抱天時與大師同車。

鄭司農云：大出師，則大史主抱式以知天時，處吉凶。史官主知天道，故國語曰：吾非瞽史焉。知天道，春秋傳曰：楚有雲如衆赤鳥夾日，以飛。楚子使問諸周大史。大史主天道，玄謂瞽，即大師、大師、瞽官之長。○大音泰，注同焉。於虔反。

大遷國抱灋以前。

灋，司空營國之灋也。抱之以前，當先王至，知諸位處。○先悉薦反。

大喪執灋以涖勸防。

鄭司農云勸防引大綱

遣之日讀誄。

遣謂祖廟之廷大奠將行時也人之道終於此累其行而讀之大師又帥瞽獻之而作蓋瞽史知天道使共其事言王之誄謚成於天道○遣弃戰反下同行下孟反

凡喪事攷焉。

為有得失

小喪賜謚。

小喪卿大夫也

凡射事飾中舍算執其禮事。

舍讀曰釋鄭司農云中所以盛算也玄謂設算於中以待射時而取之中則釋之鄉射禮曰君國中射則皮豎中於郊則閣中於竟則虎中大夫兕中士鹿中天子之中未聞○舍音釋盛音成中丁仲反竟音境

小史掌邦國之志奠繫世辨昭穆若有事則詔王之忌諱。

鄭司農云志謂記也春秋傳所謂周志國語所謂鄭書之屬是也史官主書故韓宣子聘于魯觀書太史氏繫世謂帝繫世本之屬是也小史主定之瞽矇諷誦之先王死日為忌名為諱故書奠為帝杜子春云帝當為奠奠讀為定書帝亦或為奠玄謂王有事所祭於其廟○奠音定

大祭祀讀禮灋史以書敘昭穆之俎簋。

讀禮灋者太史與羣執事史此小史也言讀禮灋者小史敘俎簋以為節故書簋或為几鄭司農云几讀為軌書亦或為簋古

周禮

卷三

禮記

文也。大祭祀。小史主敘其昭穆。以其主定繫世。祭祀。史主敘其昭穆。次其俎簋。故齊景公疾。欲誅於祝史。玄謂俎簋。牲與黍稷。以書次之。校比之。○此毗志反。

大喪。大賓客。大會同。大軍旅。佐大史。凡國事之用禮。瀆者。掌其小事。

卿大夫之喪。賜諡。讀誄。

其讀誄亦以大史賜諡為節。事相成也。

馮相氏。掌十有二歲。十有二辰。十有二日。二十有八星之位。辨其敘事以會天位。

歲謂大歲。歲星與日同次之月。斗所建之辰。樂說說歲星與日。常應大歲月建以見。然則今曆太歲非此也。歲日月辰星宿之

位。謂方面所在。辨其敘事。謂若仲春辨秩。東作。仲夏辨秩。南。仲秋辨秩。西成。仲冬辨其朔。易會天位者。合此歲日月辰星宿五者。以為時事之候。若今曆日太歲在某月某日。某甲朔日直某也。國語曰。王合位于三五。孝經說曰。故勅以天期。四時節有晚早。趣勉。趣時。無失天位。皆由此辨云。○馮音憑。相息亮。反。譌五和反。

冬夏致日。春秋致月。以辨四時之敘。

冬至日在牽牛。景文三尺。夏至日在東井。景尺五寸。此長短之極。極則氣至。冬無德陽。夏無伏陰。春分日在婁。秋分日在角。而月弦於牽牛。東井亦以其景知氣至不。春秋冬夏氣皆至。則是四時之敘正矣。

保章氏。掌天星。以志星辰日月之變動。以觀天下之遷。辨其吉凶。

志。古文識。識。記也。星。謂五星。辰。日月所會。五星有贏縮。圓角。日有薄食。暈珥。月有盈虧。跳側。匿之變。七者。右行。列舍。天下禍福。變移所在。皆見焉。○識音志。暈本又作輝。亦作運。跳他。了反。珥而月見西方。匿女力反。朔而月見東方。曰側。匿亦各。昫。女六

周禮 卷三 宗伯禮官之職

以星土辨九州之地所封。封域皆有分星以觀妖祥。

星土星所主土也。封猶界也。鄭司農說星土以春秋傳曰參為晉星商主大火國語曰歲之所在則我有周之分野之屬是也。玄謂大界則曰九州州中諸國中之封域於星亦有分焉其書亡矣堪輿雖有郡國所入度非古數也。今其存可言者十二次之分也。星紀吳越也。玄枵齊也。姑臧衛也。降婁魯也。大梁趙也。實沈晉也。鶉首秦也。鶉火周也。鶉尾楚也。壽星鄭也。大火宋也。析木燕也。此分野之妖祥主用客星彗孛之氣為象。○分扶問反注同參所林反。椒子須反。管子斯反。降戶江反。彗以歲反。李音佩。

以十有二歲之相觀天下之妖祥。

歲謂太歲歲星與日同次之月斗所建之辰也。歲星為陽右行於天大歲為陰左行於地十二歲而小周其妖祥之占。甘氏歲

星經其遺象也。鄭司農云大歲所在歲星所居春秋傳曰越得歲而吳伐之必受其凶之屬是也。○相息亮反。

以五雲之物辨吉凶水旱降豐荒之祲象。

物也也。視日旁雲氣之色降下也。知水旱所下之國。鄭司農云以二至二分觀雲色青為蟲白為喪赤為兵荒黑為水黃為豐。故春秋傳曰凡分至啓閉必書雲物為備故也。故曰凡此五物以詔救政。

以十有二風察天地之和命乖別之妖祥。

十有二辰皆有風吹其律以知和不其道亡矣。春秋襄十八年楚師伐鄭師曠曰吾驟歌北風又歌南風南風不競多死聲楚必無功是時楚師多凍其命乖別審矣。

凡此五物者以詔救政訪序事。

訪謀也。見其象則當預為之備以詔王救其政且謀今年天時占相所宜次序其事。

內史掌王之八枋之灋以詔王治。一曰爵。二曰祿。三曰廢。四曰置。五曰殺。六曰生。七曰予。八曰奪。

太宰既以詔王內史又居中贊之。○枋本又作柄兵病反。

執國灋及國令之貳以攷政事以逆會計。

國灋六典八灋八則。

掌敘事之灋受納訪以詔王聽治。

敘六敘也納訪納謀於王也六敘六日以敘聽其情。

凡命諸侯及孤卿大夫則策命之。

鄭司農說以春秋傳曰王命內史與父策命晉侯為侯伯策謂以簡策書王命其文曰王謂叔父敬服王命以綏四國糾逖王

愚晉侯三辭從命受策以出。○父音甫。

凡四方之事書內史讀之。

若令尚書入省事。

王制祿則贊為之以方出之。

贊為之為之辭也鄭司農云以方出之以方版書而出之上農夫食九人其次食八人其次食七人其次食六人下農夫食五人庶人在官者其祿以是為差諸侯之下士視上農夫祿足以代其耕也中士倍下士上士倍中士下大夫倍上士卿四大夫祿君十卿祿杜子春云方直謂今時贖也玄謂王制曰王之三公視公侯卿視伯大夫視子男元士視附庸○食音似

賞賜亦如之。

內史掌書王命遂貳之。

副寫
藏之

外史掌書外令

王令下畿外
○下戶嫁反

掌四方之志

志記也。謂若魯之春秋、晉之乘、楚之檮杌。○檮徒刀反，杌五忽反。

掌三皇五帝之書

楚靈王所謂三墳
五典。○墳扶云反。

掌達書名于四方

謂若堯典、禹貢。達此名使知之。或曰古曰名。今日字使四方知書之文字得能讀之。

若以書使于四方則書其令

書王令以授使
者。○使所史反。

周禮卷二十六

周禮

卷二十六 宗伯禮官之職

七

承復堂

王有命當以書致之則贊為辭若今尚書作詔文

凡數從政者

自公卿以下至胥徒凡數及其見在空缺者鄭司農讀言掌贊書數書數者經禮三百曲禮三千法度皆在玄以為不辭故改之云○數所主反見賢遍反

巾車掌公車之政令辨其用與其旗物而等叙之以治其出入

公猶官也用謂祀賓之屬旗物太常以下等叙之以封同姓異姓之次序

王之五路一曰王路錫樊纓十有再就建大常十有二旒以祀

王在焉曰路玉路以玉飾諸末錫馬面當盧刻金為之所謂鑊錫也樊讀如蟻帶之蟻謂今馬大帶也鄭司農云纓謂當胃上喪禮下篇曰馬纓三就禮家說曰纓當胃以削革為之三就三重三匝也玄謂纓今馬鞅王路之樊及纓皆以五采屬飾之十

二就就成也犬常九旗之畫日月者正幅為繆旒則屬焉○錫音陽旒音留蟻步干反重直龍反屬居側反繆所御反又所廉反屬音屬

金路鉤樊纓九就建大旂以賓同姓以封

金路以金飾諸末鉤婁領之鉤也金路無錫有鉤亦以金為之其樊及纓以五采屬飾之而九成大旂九旗之畫交龍者以賓以會賓客同姓以封謂王子母弟率以功德出封雖為侯伯其畫服猶如上公若魯衛之屬其無功德各以親疏食采畿內而已故書鉤為狗杜子春讀為鉤○領尺感反率音律又音類

象路朱樊纓七就建大赤以朝異姓以封

象路以象飾諸末象路無鉤以朱飾勒而已其樊及纓以五采屬飾之而七成大赤九旗之通帛以朝以日視朝異姓王甥舅○朝直遙反

革路龍勒條纓五就建大白以卽戎以封四衛。

革路鞞之以革而漆之無他飾龍駝也以白黑飾韋雜色為勒條讀為條其樊及纓以條絳飾之而五成不言樊字蓋脫爾以此言條知王路金路象路飾樊纓皆不用金王象矣大白殷之旗猶周大赤蓋象正色也卽戎謂兵事四衛四方諸侯守衛者蠻服以內○駝音危條他刀反鞞莫干反

木路前樊鵠纓建大麾以田以封蕃國。

木路不鞞以革漆之而已前讀為緇翦之翦翦淺黑也木路無龍勒以淺黑飾常為樊鵠色飾韋為纓不言就數飾與革路同大麾不在九旗中以正色言之則黑夏后氏所建田四時田獵蕃國謂九州之外夷服鎮服蕃服杜子春云鵠或為結

王后之五路重翟錫面朱總厭翟勒面績總安車彫面鷩總皆有容蓋

重翟重翟雉之羽也厭翟次其羽使相迫也勒面謂以如玉龍勒之韋為當面飾也彫者畫之不龍其韋安車坐乘車凡婦人車皆坐乘故書朱總為緇鷩或作鷩鄭司農云錫馬面錫緇當為總書亦或為總鷩讀為鳥鷩之鷩鷩總者青黑色以緇為之總著馬勒直兩耳與兩鑣容謂檐車山東謂之裳幃或曰幃容玄謂朱總績總其施之如鷩總車衡轡亦宜有焉績畫文也蓋如今小車蓋也皆有容有益則重翟厭翟謂蔽也重翟后從王祭祀所乘厭翟后從王賓饗諸侯所乘安車無蔽后朝見於王所乘謂去飾也詩國風碩人曰翟蔽以朝謂諸侯夫人始來乘翟蔽之車以朝見於君盛之也此翟蔽蓋厭翟也然則王后始來乘重翟乎○重直龍反厭於涉反注同鷩鳥兮反緇威云檢字林蒼推反著直略反鑣表驕反幃昌廉反瀆音同轄音管見賢遍反去起呂反

翟車具面組總有握。

翟車不重不厭以翟飾車之側爾具面具飾勒之當面也有握則此無蓋矣如今駟車是也后所乘以出桑○駟薄經反

輦車組輓有翼羽蓋

輦車不言飾后居宮中從容所乘但漆之而已為輪輪人輓之以行有翼所以禦風塵以羽作小蓋為翳日也故書翳為駉杜子春云當為翼書亦或為駉○輓音晚翳所甲反從七容反輗市專反駉烏帝反駉駉並音獵駉或音毛

王之喪車五乘木車蒲蔽犬禭尾囊疏飾小服皆疏

木路不漆者鄭司農云蒲蔽謂羸蘭車以蒲為蔽天子喪服之車漢儀亦然犬禭以大皮為覆琴故書疏為措杜子春讀措為沙玄謂蔽車旁禦風塵者犬白犬皮既以皮為覆琴又以其尾為戈戟之設羸布飾二物之側為之緣若攝服云服讀為籠小籠刀劔短兵之衣此始遭喪所乘為君之道尚微備姦臣也書曰以虎賁百人逆子釗亦為備焉○五乘繩證反禭莫歷反囊沈音羔劉姑道反羸魯火反弩力丁反駉音青黑也駉音措思如反駉吐刀反駉音服賁音奔駉音駉

素車琴蔽犬禭素飾小服皆素

素車以白土塗車也琴讀為熲熲麻以為蔽其禭服以素綰緣此卒哭所乘為君之道益著在車可以去戈戟○塗烏路反又烏洛反熲扶文反

藻車藻蔽鹿淺禭革飾

故書藻作輶杜子春輶讀為華藻之藻直謂華藻也玄謂藻水草蒼色以蒼土塗車以蒼緇為蔽也鹿淺禭以鹿夏皮為覆琴又以所治去毛者緣之此既練所乘○輶音總又音藻

駟車翟蔽然禭髮飾

故書駟作龍髮為軟杜子春云龍讀為駟軟讀為聚坵之聚直謂髮聚也玄謂駟車邊側有漆飾也翟細葦席也以爲蔽者漆則成翟即吉也然果然也髮亦多黑少之色韋也此大祥所乘○翟音丸髮香求反軟音次聚音七坵胡說反

漆車藩蔽犴禭雀飾

周禮

卷三

宗伯禮官之職

四

禮記

漆車黑車也。潘今時小車。潘漆席以為之。狩、胡、犬、雀、黑多赤少之色。韋也。此禫所乘。○狩五且反。禫直感反。

服車五乘。孤乘夏篆。卿乘夏纁。大夫乘墨車。士乘棧車。庶人乘役車。

服車，服事者之車。故書夏篆為夏緣。鄭司農云：夏赤也。緣，綠色。或曰：夏篆，篆讀為主。瑒之瑒，夏篆，轂有約也。玄謂夏篆，五采畫之。轂約也。夏纁亦五采畫。無瑒爾。墨車，不畫也。棧車，不革輓而漆之。役車，方箱可載任器以共役。○篆音瑒。直轉反。箱息羊反。

凡良車散車不在等者，其用無常。

給遊燕及恩惠之賜，不在等者，謂若今輜車後戶之屬，作之有功有治。○散素早反。輜側其反。

凡車之出入，歲終則會之。

計其完敗多少。

凡賜闕之。

完敗不計。

毀折入齋于職幣。

計所傷敗入其直。杜子春云：齋讀為資。資謂財也。乘官車毀折者入財以償繕治之直。○齋音咨。

大喪飾遣車，遂廡之行之。

廡，與也。謂陳駕之，行之使人以次舉之。以如墓也。遣車，一曰鸞車。○遣棄戰反。

及葬執蓋從車持旌。

從車，隨柩路持蓋與旌者。王平生時車建旌，雨則有益。今屨無蓋，執而隨之。象生時有也。所執者銘旌。○從才用反。

及墓，嗥啓關陳車。

關墓門也。車，貳車也。士喪禮下篇曰：車至道左，北面立東上。

小喪共匱路與其飾。

匱路，載柩車也。飾，棺飾也。

歲時更續共其弊車。

故書更續為受讀。杜子春云：受當為更，讀當為續。更續，更受新共其弊車，歸其故弊車也。玄謂俱受新耳。更易其舊，續續其不任用，共其弊車。巾車既更續之，取其弊車，共於車人，材或有中用之。

大祭祀鳴鈴以應雞人。

雞人，王呼且鳴鈴以和之。聲且警眾，必使鳴鈴者。車有和鸞，相應和之象。故書鈴或作軫。杜子春云：當為鈴。○和，胡卧反。軫，音零。

典路掌王及后之五路，辨其名物與其用說。

用，謂將有朝祀之事而駕之。鄭司農云：說謂舍車也。春秋傳曰：雞鳴而駕，日中而說。用，謂所宜用。○說，書鏡反。注及下駕說，并注同朝。直遙反。

若有大祭祀則出路贊駕說。

出路，王當乘之。贊，駕說。贊，僕與趣馬也。○趣，倉口反。

大喪大賓客亦如之。

亦出路當陳之。鄭司農說以書顧命曰：成王崩，康王既陳先王寶器，又曰：大路在賓階面。贊路在阼階面。先路在左塾之前，次路在右塾之前。漢朝上計律：陳屬車於庭，故曰大喪大賓客亦如之。○塾，音孰。上時掌反。屬音燭。

凡會同軍旅弔于四方以路從。

王出於事無常，王乘一路，典路以其餘路從行，亦以革國。○從才用反，注及下注同。

車僕掌戎路之萃，闕車之萃，萃車之萃，輕車之萃。

萃，猶副也。此五者皆兵車，所謂五戎也。戎路，王在軍所乘也。廣車，橫陳之車也。闕車，所用補闕之車也。萃，猶屏也。所用對敵自蔽隱之車也。輕車，所用馳敵致師之車也。春秋傳曰：公喪戎路，又曰：其君之戎，分為二廣，則諸侯戎路廣車也。又曰：師存闕四十乘，孫子八陳有萃車之陳。又曰：馳車千乘，五者之制及萃數未盡聞也。書曰：武王戎車三百兩，故書萃作平。杜子春云：萃車當為駟車，其字當為萃，書亦或為萃。○萃，薄輕反。輕，遣政反。屏，并領反。又薄，經反。喪息浪反。千乘，繩證反。駟，薄經反。

凡師共革車，各以其萃。

五戎者共其一，以為王優尊者所乘也，而萃各從其元焉。

會同亦如之。

巡守及兵車之會，則王乘戎路，乘車之會，王雖乘金路，猶共以從，不失備也。

大喪，歛革車。

言興革車，則遣車不徒戎路，廣闕萃輕皆有焉。

大射，共三乏。

鄭司農云：乏，讀為匱乏之乏。

司常掌九旗之物名，各有屬以待國事。日月為常，交龍為旂，通帛為旟，雜帛為物，熊虎為旗，鳥隼為旟，龜蛇為旐，全羽為旞，析羽為旛。

物名者所畫異物，則異名也。屬，謂徽識也。大傳為之徽號，今城門僕射所被及亭長著終衣，皆其舊象。通帛，謂大赤從周正色。

無飾雜帛者以帛素飾其側白股之正色全羽折羽皆五采繫之於旒旌之上所謂注旌於于首也凡九旗之帛皆用絳○檀之然反隼息允反旗音餘旌音兆旒音遂識息式反又音志著丁略反又直略反

及國之大閱贊司馬頒旗物王建大常諸侯建旂孤卿建旛大夫

士建物師都建旗州里建旗縣鄙建旒道車載旒旂車載旌

仲冬教大閱司馬主其禮自王以下治民者旗畫成物之象王畫日月象天明也諸侯畫交龍一象其升朝一象其下復也孤卿不畫言奉王之政教而已大夫士雜帛言以先王正道佐職也師都六鄉六遂大夫也謂之師都都民所聚也畫熊虎者鄉遂出軍賦象其守猛莫敢犯也州里縣鄙鄉遂之官互約言之鳥集象其勇捷也龜蛇象其扞難辟害也道車象路也士以朝夕燕出入旂車大路也王以田以鄙全羽折羽五色象其文德也大閱王乘戎路建大常焉玉路金路不出○朝直遙反難乃且反辟音避

皆畫其象焉官府各象其事州里各象其名家各象其號

事名號者徽識所以題別衆臣樹之於位朝各就焉觀禮曰侯伯子男皆就其旂而立此其類也或謂之事或謂之名或謂之號異外內也三者旌旗之細也士喪禮曰爲銘各以其物亡則以緇長半幅頰末長終幅廣三寸書名於末此蓋其制也徽識之書則云某某之事某某之名某某之號今大閱禮象而爲之兵凶事若有死事者亦當以相別也杜子春云畫當爲書玄謂書畫雲氣也異於在國軍事之飾○別彼列反亡音無

凡祭祀各建其旗

王祭祀之車則玉路

會同賓客亦如之置旌門

賓客朝覲宗遇王乘金路巡守兵車之會王乘戎路皆建其大常掌舍職曰爲帷宮設旌門

大喪共銘旌。

銘旌王則太常也士喪禮曰為銘各以其物。

建斂車之旌及葬亦如之。

葬云建之則行斂車解說之說土活反。

凡軍事建旌旗及致民置旗弊之。

始置旗以致民民至仆之誅後至者○仆薄北反一音赴。

甸亦如之。

凡射共獲旌。

獲旌獲者所持旌。

歲時共更旌。

取舊予新。

都宗人掌都宗祀之禮凡都祭祀致福于國。

都或有山川及因國無主九皇六十四民之祀王子弟則立其祖主之廟其祭祀王皆賜禽焉主其禮者警戒之糾其戒具其來致福則帥而以造祭僕。

正都禮與其服。

禁督其違失者服謂衣服及宮室車旗。

若有寇戎之事則保羣神之壇。

守山川丘陵墳衍之壇域○壇推癸反。

司豐

卷五 宗伯禮官之職

九

承懷堂

國有大故則令禱祠既祭反命于國

令令都之有司也祭謂報塞也反命還白王○塞西代反

家宗人掌家祭祀之禮凡祭祀致福

大夫采地之所祀與都同若先王之子孫亦有祖廟

國有大故則令禱祠反命祭亦如之

以王命令禱祠歸白王於獲福又以王命令祭之還又反命

掌家禮與其衣服宮室車旗之禁令

掌亦正也不言寇戎保羣神之壇則都家自保之都宗人所保者謂王所祀明矣

凡以神仕者掌三辰之灋以猶鬼神示之居辨其名物

猶圖也居謂坐也天者羣神之精日月星辰其著位也以此圖天神人鬼地祇之坐者謂布祭衆寡與其居向孝經說郊祀之禮曰燔燎掃地祭牲繭栗或象天酒旗坐星厨舍具黍稷布席極敬心也言郊之布席象五帝座禮祭宗廟序昭穆亦又有似虛危則祭天圜丘象北極祭地方澤象后妃及社稷之席皆有明法焉國語曰古者民之精爽不携二者而又能齊肅中正其知能上下此義其聖能光遠宜朗其明能光照之其聰能聽徹之如是則神明降之在男曰覲在女曰巫是之使制神之處位次主而為之牲器時服巫既知神如此又能居以天法是以聖人祭之今之巫祝既闇其義何明之見何法之行正神不降或於淫厲苟貪貨食遂誣人神令此道滅痛矣○居紀慮反句紀具反繭工典反齊側皆反知音智覲胡歷反令力呈反

以冬日至致天神人鬼以夏日至致地示物鬼以禴國之凶荒民之札喪

天人陽也地物陰也陽氣升而祭鬼神陰氣升而祭地祇物鬼所以順其為人與物也致人鬼於祖廟致物鬼於壇壇蓋用祭

宗伯禮官之職

府六人史十有六人胥三十有二徒三百有二十人

與衆也行謂軍行列晉作六軍而有
三行取名於此○行戶剛反

凡制軍萬有二千五百人為軍王六軍大國三軍次國二軍小國一軍軍將皆命卿二千有五百人為師師帥皆中大夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆有長

軍師旅卒兩伍皆衆名也伍一比兩一間卒一旅一黨師一州軍一鄉家所出一人將帥長司馬者其師吏也言軍將皆命卿則凡軍帥不特置選於六官六鄉之吏自卿以下德任者使兼官焉鄭司農云王六軍大國三軍次國二軍小國一軍故春秋傳有大國次國小國又曰成國不過半天子之軍周為六軍諸侯之大者三軍可也詩大雅常武曰赫赫明明王命卿士南

仲大祖大師皇父整我六師以修我戎既徹旣戒惠此南國大雅文王曰周王于邁六師及之此周為六軍之見于經也春秋傳曰王使虢公命曲沃伯以一軍為晉侯此小國二軍之見于傳也百人為卒二十五人為兩故春秋傳曰廣有一卒卒偏之兩將子匠反凡軍將將帥之類放此帥所類反長丁丈反比毗志反大祖音泰下大師大僕同父音甫

一軍則二府六史胥十人徒百人

故書勳作勳鄭司農云勳讀為勳勳功也此官主功賞故曰掌六鄉賞地之法以等其功

司勳上士二人下士四人府二人史四人胥二人徒二十人

質平也主買馬平其大小之賈直

馬質中士二人府一人史二人賈四人徒八人

量人下士二人府一人史四人徒八人

司馬

司馬政官之屬

二

承襲堂

量猶度也。謂以丈尺度地。○量音亮。度待洛反。

小子下士二人。史一人。徒八人。

小子主祭祀之小事。

羊人下士二人。史一人。賈二人。徒八人。

司燿下士二人。徒六人。

故書燿為焦。杜子春云。燿當為燿。書亦或為燿。燿為私火。玄謂燿讀如子若。觀火之觀。今燕俗名湯熱為觀。則燿火謂熱火。與燿古與反。燿或約反。李又音灼。觀古與反。下同。

掌固上士二人。下士八人。府二人。史四人。胥四人。徒四十人。

固國所依阻者也。國曰固。野曰險。易曰王公設險以守其國。

司險中士二人。下士四人。史二人。徒四十人。

掌疆中士八人。史四人。胥十有六人。徒百有六十人。

疆界也。○疆居良反。

候人上士六人。下士十有二人。史六人。徒百有二十人。

候候迎賓客之來者。

環人下士六人。史二人。徒十有二人。

環猶卻也。以勇力卻敵。○卻起略反。

挈壺氏下士六人。史二人。徒十有二人。

挈讀如紮髮之紮。壺盛水器也。世主挈壺水以為漏。○盛音成。

射人下大夫二人。上士四人。下士八人。府二人。史四人。胥二人。徒二十人。

服不氏下士二人。徒四人。

服不，服不。服之獸者。

射鳥氏下士二人。徒四人。

○射食亦反。

羅氏下士一人。徒八人。

能以羅網搏鳥者。郊特牲曰：大羅氏天子之掌鳥獸者。○搏音博。本又作捕。

掌畜下士二人。史二人。胥一人。徒二十人。

畜謂斂而養之。

○畜許六反。

司士下大夫二人。中士六人。下士十有二人。府二人。史四人。胥四人。徒四十人。

諸子下大夫二人。中士四人。府二人。史二人。胥一人。徒二十人。

諸子，主公卿大夫士之子者，或曰庶子。

司右上士二人。下士四人。府四人。史四人。胥八人。徒八十人。

右謂有勇力之士。充王車右。

虎賁氏下大夫二人。中士十有二人。府二人。史八人。胥八十人。虎士八百人。

不言徒曰虎士則虎士徒之選有勇力者○賁音奔

旅賁氏中士二人下士十有六人史二人徒八人

節服氏下士八人徒四人

世為王節所衣服○為干僞反

方相氏狂夫四人

方相猶言放想可畏怖之貌○放想方丈反

太僕下大夫二人小臣上士四人祭僕中士六人御僕下士十有

二人府二人史四人胥二人徒二十人

僕侍御於尊者之名犬僕其長也

隸僕下士二人府一人史二人胥四人徒四十人

此吏而曰隸以其事繁

弁師下士二人工四人史二人徒四人

弁者古冠之大稱委貌緇布曰冠

司甲下大夫二人中士八人府四人史八人胥八人徒八十人

甲今之鏡也司甲兵戈盾官之長○鑑苦愛反盾常允反又音允

司兵中士四人府二人史四人胥二人徒二十人

司戈盾下士二人府一人史二人徒四人

戈今時句孑戟○句孑古候反下音結

司盥

司馬政官之屬

司弓矢下大夫二人中士八人府四人史八人胥八人徒八十人

司弓矢，弓弩矢箠，官之長。○箠音服。

繕人上士二人下士四人府一人史二人胥二人徒二十人。

繕之言勁也，善也。

橐人中士四人府二人史四人胥一人徒二十人。

鄭司農云：橐讀為芻橐之橐，箭幹謂之橐，此官主弓弩箭矢，故謂之橐人。○橐古老反。

戎右中大夫二人上士二人

右者參乘，此充戎路之右。田獵亦為之右焉。○乘繩澄反。

齊右下大夫二人

充玉路金路之右。○齊側皆反。下齊僕同。

道右上士二人

充象路之右。

大馭中大夫二人

馭之最尊。

戎僕中大夫二人

馭言僕者，此亦侍御於車。

齊僕下大夫二人

古者王將朝覲會同必齊，所以敬宗廟及神明。○朝直遙反。

司豐

卷五 司馬政官之屬

道僕上士十有二人。

王。朝。朝。莫。夕。主。御。王。以。與。諸。臣。行。先。王。之。道。○。朝。朝。上。如。字。下。直。遙。反。莫。音。暮。

田僕上士十有二人。

馭夫中士二十人下士四十人。

校人。中大夫二人。上士四人。下士十有六人。府四人。史八人。胥八人。徒八十人。

人。徒八十人。

校。之。為。言。校。也。主。馬。者。必。仍。校。視。之。以。人。馬。官。之。長。○。校。戶。教。反。

趣馬下士卓一人徒四人。

趣。馬。趣。養。馬。者。也。鄭。司。農。說。以。詩。曰。蹶。維。趣。馬。○。趣。七。口。反。卓。才。早。反。

巫馬下士二人醫四人府一人史二人賈二人徒二十人。

巫。馬。知。馬。社。先。牧。馬。社。馬。步。之。神。者。馬。疾。若。有。犯。焉。則。知。之。是。以。使。與。醫。同。職。

牧師下士四人胥四人徒四十人。

主。牧。放。馬。而。養。之。

廋人下士閑二人史二人徒二十人。

廋。之。言。數。

圉師乘一人徒二人圉人良馬匹一人駑馬麗一人。

良。馬。曰。圉。四。馬。為。乘。良。善。也。麗。耦。也。

職方氏中大夫四人下大夫八人中士十有六人府四人史十有

司豐

卷五 司馬政官之屬

七

永懷堂

六人胥十有六人徒百有六十人。

職主也主四方之職貢者職方氏主四方官之長

土方氏上士五人下士十人府二人史五人胥五人徒五十人。

土方氏主四方邦國之土地

懷方氏中士八人府四人史四人胥四人徒四十人。

懷來也主來四方之民及其物

合方氏中士八人府四人史四人胥四人徒四十人。

合方氏主合同四方之事

訓方氏中士四人府四人史四人胥四人徒四十人。

訓道也主教道四方之民

形方氏中士四人府四人史四人胥四人徒四十人。

形方氏主制四方邦國之形體

山師中士二人下士四人府二人史四人胥四人徒四十人。

川師中士二人下士四人府二人史四人胥四人徒四十人。

邊師中士四人下士八人府四人史八人胥八人徒八十人。

邊地之廣平者○邊音原

匡人中士四人史四人徒八人。

匡正也主正諸侯以法則

司豐

司馬政官之屬

八

水懷堂

禫人。中士四人。史四人。徒八人。

禫人主禫序主意以語天下。○禫他南反。

都司馬。每都上士二人。中士四人。下士八人。府二人。史八人。胥八

人。徒八十人。

都王子弟所封及三公采地也。司馬主其軍賦。

家司馬。各使其臣以正於公司馬。

家卿大夫采地。正猶聽也。公司馬國司馬也。卿大夫之采地。王不特置司馬。各自使其家臣為司馬。主其地之軍賦。往聽政於王之司馬。王之司馬其以王命來有事。則曰國司馬。

周禮卷二十八 終

